

11 Oct. 2025 18:15 Hrs

Headlines

- प्रधानमंत्री नरेन्द्र मोदी होरें 42 ज्हार करोड़ रपे दियें प्रमुख कृषि परियोजनाएं दी शुरुआत कीती। प्रधानमंत्री धन-धान्य कृषि योजना दा लाइव प्रसारण समूलचे जम्मू प्रांतै च बी कीता गया।
- उपराज्यपाल मनोज सिन्हा होरें श्रीनगर च कश्मीरी साहित्यिक उत्सव दे दुए संस्करण दा उदघाटन कीता। लखारियें गी आखेया जे ओ शोध ते तत्थें दी बिनाह पर इतिहास च चलाए गेदे झूठे एजेंडे गी स्हेई करने दी जिम्मेदारी निभान।
- एल.जी. होरें जिंदू दा बलिदान देने आहले सेना दे दंडु वीर सैनिकें गी शरदांजलि भेंट कीती।
- जम्मू-कश्मीर च बाइकिंग दे क्षेत्र च नमां इतिहास बनांदे होई कल गुलमर्ग च पैहली अंतराष्ट्रीय डाउनहिल बाइकिंग रेस दा सरिस्ता कीता जा रदा ऐ।
- जम्मू-श्रीनगर राष्ट्रीय जरनैली सिड्कै पर मरम्मत दा कम्म मुकम्मल होने दे बाद हून गड्डियें दी दंडु तरफा आओ-जाई पूरी चाली ब्हाल होई चुकी दी ऐ।

<><><><><><>

PM Projects Jammu (Byte)

प्रधानमंत्री नरेन्द्र मोदी होरें अज्ज नमीं दिल्ली च राई-बाई आहले विशेष कार्यक्रम दौरान राई-बाई दे सरबंधत क्षेत्रें च 42 ज्हार करोड़ रपें शा मती लागत दियें बक्ख-बक्ख परियोजनाएं ते प्रोग्रामें दी शुरुआत, उदघाटन ते बुनियाद रखी। भारतीय कृषि अनुसंधान च लोआए गेदे इस कार्यक्रम च प्रधानमंत्री मोदी होरें 35 ज्हार करोड़ रपे शा मते दे सांझे निवेश कन्नै कीती गेदी कृषि सरबन्धी दंडु बड्डी पैहलकदमियें दी शुरुआत कीती। इस मौके पर बोलदे होई प्रधानमंत्री होरें आखेया.

<><><><><><>

PM Project Jammu (Byte)

एहदे कन्नो-कन्नै गै प्रधानमंत्री धन-धान्य कृषि योजना दी शुरुआत दी जम्मू दियें बक्ख-बक्ख थाहें थमां लाईव वेबकास्टिंग कीती गेई जिंदे च साम्बा ते राजौरी दे कृषि विज्ञान केन्द्र बी शामिल न। इस कार्यक्रम च करसानें ते मुकामी नेताएं दी उत्साह कन्नै भरोची दी भागीदारी होई। राजौरी च करसानें प्रधानमंत्री हुंदे भाषण गी बड़े ध्यान कन्नै सुनेया ते हुंदे प्रति मेद ते आभार प्रगट कीता । के.वी.के साम्बा च विधायक सुरजीत सिंह सलाथिया ते डी.डी.सी. वाइस चेयरमैन बलवान सिंह होरें सरकार दे नजरिये दी सराहना कीती जिसलै के, के.वी.के साम्बा दे मुख वैज्ञानिक ते प्रमुख डाक्टर संजय खजूरिया होरें आखेया जे इस स्कीम कन्नै करसानें गी माली मदाद, सिखलाई ते आधुनिक उपकरण ते बेहतर बजार पुज्ज उपलब्ध होग। आकाशवाणी समाचार कन्नै गल्ल करदे होई उनें आखेया.

<><><><><><>

LG Kashmir Literature (Byte)

उपराज्यपाल मनोज सिन्हा होरें अज्ज आखेया ऐ जे लखारियें गी जानकारीयें दा अनुसंधान ते शोध करियै, उन्दा आलोचनात्मक सबूत कन्नै जोड़ियै गै इतिहास च होई दियें गुमराह करने आहली जानकारी गी ठीक करना लोड़चदा। उनें आखेया जे अंग्रेजी हकूमत दे दौर च किश लखारियें अपने वैचारिक एजेडे गी अगड़े बधाने लेई इतिहास गी तरोड़ी-मरोड़ियै पेश कीता। एल.जी. होरें आखेया लखारियें गी लोड़चदा ऐ जे ओ उनें झूठे एजेडे दी सप्लाई गी सामने आह्वे लेई इक निरपक्ख भूमिका निभान। मनोज सिन्हा होर अज्ज श्रीकुला फाउंडेशन आसेया आयोजित कश्मीर साहित्य उत्सव दे उदघाटन समारोह दौरान बोला करदे हे। उनें आखेया.

<><><><><><>

LG Homage

उपराज्यपाल मनोज सिन्हा होरें कोकरनाग दे किशतवाड़ रेंज च आतंकवाद रोधी अभियानें दौरान खराब मौसम दे कारण मुलखै लेई अपनी जिंदू दी आहुति देने आले सेना दे लांस हवलदार पलाश घोष ते लांस नायक

सुजय घोष होरें गी पुष्पचक्र अर्पित करदे होई उपराज्यपाल होरें उन्दे बलिदान दी सराहना करदे होई आखेया जे राष्ट्र उन्दी बेमिसाल बहादुरी ते निस्वार्थ सेवा लेई सदा आभारी रौहग। ओह शहीदें दे परोआरें कन्नै इक-जुटता कन्नै खडोते दे न ते राष्ट्र दी रक्षा, उन्दी दलेरी ते समर्पण गी ध्यानै च रखदे न।

<><><><><><>

Int Girl Child Day

अज्ज भारत हर कुडी दी ताकत, समर्थ ते मेद दा जश्र मनांदे होई अंतराष्ट्री बालिका दिवस दे वैश्विक समारोह च हिस्सा लै रदा ऐ। इस बरे इस ध्याडे दा विशे सार ऐ- बदलाव दा नेतृत्व करदी मै इक कुडी आं, संकट दी घडी च कुडियां अज्ज सभनें शा अगगे न। पूरे देश च कुडियां अपने समुदायें च बदलाव दियां अगुआ ते एजेंट दे रुपै च उब्भरा रदियां न। भारत सरकार शिक्षा, सुरक्षा ते कौशल विकास च लक्षित कार्यक्रमें दे माध्यम कन्नै कुडियें गी सशक्त बनाने लेई समर्पित ऐ। उन्दे उज्जवल ते मते समावेशी भविक्ख लेई बरोबरी दे मौके यकीनी बनाने आस्तै सरकार बचने बज्झी दी ऐ।

<><><><><><>

Gulmarg Biking (Byte)

जम्मू-कश्मीर सैलसफा विभाग आसेया जबरवन लेजेंड माउन्टेन बाइकिंग दे सहयोग कन्नै अंतर राष्ट्रीय स्तर दे इक साहसिक माउटेन बाइकिंग दा सरिस्ता कीता जा रदा ऐ। इस आयोजन च दुनिया भरै थमां पहाड़ी क्षेत्रें च मोटरबाईक चलाने दे शौकीन सैलानी ते खेड प्रेमी आवा करदे न, जेहदा सरिस्ता कल कीता जा रदा ऐ। बाइकिंग समारोह दे बाद संजा 4 बजे गुलमर्ग च इक बड्डे सांस्कृतिक कार्यक्रम दा बी सरिस्ता कीता जाहग जेहदे च मकामी कलाएं, सांस्कृतिक ते परम्पराएं दा अक्स दिक्खने गी लब्बोग। इस पैहल दा मकसद तंदरुस्त जीवन शैली दे कन्नो-कन्नौ सैलसफा गी बढावा देना बी ऐ। इस आयोजन गी लेइयै प्रतिभागियें च मता उत्साह दिखने गी लब्बै करदा ऐ.

<><><><><><>

Passing Out Parade (Byte)

सीमा सुरक्षा बल आसेया अज्ज जम्मू-कश्मीर दे उधमपुर स्थित सब्सिडरी सिखलाई केन्द्र च इक पासिंग आउट परेड दा सरिस्ता कीता गया। जिस दौरान हाल च गै अपनी ट्रेनिंग पूरी करी चुके दे 621 रंग-रुटें गी आलंकृत कीता गया। इनें रंगरुटें 44 हफ्ते दी जबरदस्त सिखलाई पूरी कीती ऐ। अज्ज इनें रंगरुटें गी देश दी जी जान कन्नै सेवा करने दी संगध बी चुकाई गेई। बी.एस.एफ चंडीगढ़ दे अतिरिक्त महानिदेशक सतीश सिंह खंडारे बतौर मुख्ख परौहने पासिंग आउट परेड दी सदारत कीती ते सलामी लैती। इस दौरान शानदार रंगारंग कार्यक्रम दा बी सरिस्ता कीता गया जेहदे च मकामी विद्यार्थियें दे इक ग्रुप आसेया बीहू ते लेज़िम नाच पेश कीते गे। इस मौके मजूद अधिकारियें ते परिवार आहलें इनें रंगरुटें दे देश प्यार दे जज्बें, निष्ठा ते समर्पण भाव दी सराहना कीती। एह समारोह अपने आपै च गै बी.एस.एफ ते पूरे राष्ट्र लेई इक माने आहला मौका हा। ADG, BSF चंडीगढ़ सतीष सिंह खंडारें होरें इस मौके अपने सम्बोधनै च आखेया।

<><><><><><>

Highway

पिच्छले महीने चानचक्क आए दे हाड़ें ते बददल फटटने दियें घटनाएं दे बाद जम्मू-श्रीनगर राष्ट्रीय जरनैली सिड़क जेहड़ी गड़ियें दी आओ-जाई लेई पूरी चाल्ली बंद होई गेई ही, केंई हफ्ते दी मशक्कत ते मेहनत दे बाद हून हर किस्मै दियें गड़ियें लेई खोल्ली दिती गेई ऐ। उधमपुर जिले च सभनें शा प्रभावत हिस्सा थरड़ हून मरम्मत ते लुक पाने दे बाद पूरी चाल्ली ठीक होई चुके दा ऐ ते फलें नै लदोए दे ट्रक विजन कुसै दिक्कत-परेशानी दे पूरी चाल्ली रमानदीर ते वबस्था आहले ढंगे सिर जरनैली सिड़कै पर चलै करदे न। जरनैली सिड़कें सरबंधी राष्ट्रीय प्राधिकरण NHAI नै मकामी प्रशासन गी बी आखी दिता ऐ जे ओ हर किस्मै दी गड़ि लेई दंड तरफा आओ-जाई गितै जरुरी निर्देश जारी करी देयै तां जे सिड़कै पर कोई जाम नेंई लग्गै ते गड़ियें दी वबस्था आहले ढंगै सिर आओ-जाई यकीनी बनी सकै।

<><><><><><>